

# 下卷

書名 風洞山傳奇二卷 光緒三十二年上海小說林社排印本  
 撰者 呆道人 撰  
 卷 下卷  
 內容分類 集-詞曲-南北曲-近人  
 索書號 雙紅堂-戲曲-44  
 編號 D8501900

說 小

## 風洞山傳奇上卷

巨意 (副末上)



長洲呆道人著

〔滿江紅〕搔首呼天。怎消却胸中煩惱。問底事離宮卅六亂生碧草荆棘銅  
 駝窟。泣旌旗鐵甲胡人笑飲屠酥醉倒。祿山兒狂呼嘯。滇營裡叅謀少  
 玉門外將軍老歎而今已矣夕陽古道日暮徘徊黃歇浦天涯太息田橫島  
 感飄零紅粉與青衫無人弔。

紺珠殉烈湘清閣。  
 式耜盡節仙鶴巖。  
 開宇祝髮華嚴寺。  
 墳父脩墓風洞山。

彩色首頁1

東洋文化研究所漢籍目錄 編號: D8501900  
 東洋文化研究所漢籍目錄所藏漢籍善本文影像資料庫 索書號: 雙紅堂-戲曲-44  
 漢籍善本文影像資料庫文本風洞山傳奇二卷 光緒三十二年上海小說林社排印本  
 版權所有 東京大學 東洋文化研究所  
 使用上的注意事項


落何所也。只怕是流落他鄉哭路窮。

身世飄零可奈何。

(貼)朱顏未老莫蹉跎。

滇中不少憂時客。

(旦)將士誰提殺賊戈。



風洞山傳奇下卷

長洲呆道人填詞

第十三齣 省師

〔粉蝶兒〕(小生扮張同做引衆上) 憂患餘生。慙愧煞書生戎馬。苦伶仃劫運龍蛇。問皇天呼后土。大明朝如何支架。淚如麻。到今有何方法。

銅帽棕鞋自在行。哥哥跨馬瞰危城。大旗換却中原字。笳鼓分明塞外聲。小生姓張。名同做。表字別山。自靈川一路而來。聽說桂林萬分危急。怎的到了此地。寂無一人。(內吹胡笳介)(小生)這聲音甚近。(遙指介)城上又是無人。看這光景。是守不住了。不知吾師瞿式耜。到此如何擺佈。待我進城一遭者。(指江介)只是江中。別無舟楫。怎生過去。(轉念介)只得泗水過江。然後進城了。(引衆作泗水狀介)(下)(外衣冠愁容上)(副淨扮重隨上)(外)

〔粉孩兒〕匆匆的換兜鍪。披鎧甲。歎朱家事業。這般收煞。空城一座容個咱。

衆軍官但保身家。問誰來守住危城。問誰來支起傾厦。

我瞿式耜忍死艱難。爲國效力。天命已去。人事徒勞。北兵長驅直入。趙印選王永祚胡一清。皆懼不出兵。桂林萬萬難守了。如今城中官吏紛紛奔竄。禁之不住。咳。朝廷以高爵餌此輩。百姓以膏血養此輩。今日如此散場。真是意外之事。我想自古至今。誰無一死。偏是這班人兒。有那般膩煩哩。(獨立長歎介)(小生上)(相見介)(小生)事迫矣。將何策以免此難乎。(外)城存與存。城亡與亡。我自丁亥賊薄桂林。已拚一死。我今日得死所矣。你非留守。可以不死。(小生)(正色介)死則俱死耳。古人耻獨爲君子。先生顧不與門生同死乎。(外笑介)如此甚好。

〔紅芍藥〕生留守一世波查。死元戎萬古榮華。也算是英雄的佳話。好名聲本來無價。將來提起桂林死難諸公。只怕你我以外。便無多了。傷心。但有你我共唱。那降將軍。難免後人嘲罵。就是老夫不死。天下事亦不可爲矣。到而今怎樣撐達。(小生)到此時。有甚牽挂。

(外)是極。小奚。(副淨)有。(外)你將我印綬救書。星夜馳至。行在交還皇上。勿爲賊人所得。(副淨應聲下)(外)天色已晚。且張燈來。(雜排几張燈介)(外小生對坐介)(遙望介)你看城外火光燭天。敵是北兵進來也。

〔耍孩兒〕烽火滿天真恐怕。(淚介)我不能守住封疆。到了計窮力盡。却以一劍了事。這就是死不餘罪了。一死終無濟。做忠臣作事先差。呀。也顧不得許多了。我盡我心而已。尋思小朝廷。憑着誰。支架好頭顱。就此輕拋下。尋一個收場罷。

(雜扮守城兵士上)閣部不好了。清兵已圍住各門矣。(外)我早已知道。你且退下。(雜下)(外)向小生介。我兩人死期近矣。(小生)孔曰。成仁。孟曰。取義。文天祥就是榜樣了。

〔會河陽〕取義成仁。本來最佳。光明磊落報王家。丈夫埋骨山邱。何須害怕。說甚的無聊話。(長嘆介)存亡生死。煞是難言。不想到了今日。區區北兵。尙是敵不過他。咳。漢兵猜不破清兵詐。漢人偏伏在胡人下。

(衆時服騎馬上)此間是總督衙署。且進去將閣部出來。(作入介)你兩人快快見王爺去。

[縷縷金]同行去見王爺。(外大笑介)我兩人坐待一夕矣。(衆催介)就此同去。不要連累我每。(外)怎生連累你。底事苦催咱。(向小生介)此番不要墮了志氣。(小生)我平生高自期許。那有失節之理。正氣凌河嶽。不負却平生舊話。把一腔頸血。濺黃沙。忠名震天下。忠魂滿天下。

(外)如此同你走罷。(向衆中一人介)你先歸去。教你王爺呵。

[尾聲]安排綵仗來迎。駕打疊房帷等待咱。然後我兩人呵。携手同來教訓他。

(小生)疊山歌哭文山死。

兩樣情懷一樣愁。

(外)今日偶然輪到我。

任他百計不回頭。

第十四齣 拒誘

(副淨時服引衆上)

[引]打破南朝。定危亂功臣元老。

咱定南王。便是桂林已破。巽閣部早晚將到。且在此等著者。(南面高坐介)(衆騎押外小生上)

(小生)

[步步橋]萬古綱常留忠孝。一死應該早。雄心守護牢。兩顆頭顱。怎算奇寶。尋個好收梢。(指外介)領了先生教。

(見副淨背立介)(副淨起立介)那一位是巽閣部先生。(外)我留守閣臣。巽式耜也。中國人。不慣席地坐。城既陷矣。惟求速死耳。(副淨)先生不必過慮。事到如今。降了就好。(外)這是那裏說起。留守者。留守封疆也。封疆已失。我便是個罪臣。那有偷生之理。

[沉醉東風]送江山罵名。怎逃問天地罪名。非小。却要我辭故國。拜新朝。那知

我守志堅牢。勸伊行不煩。開導壯心已消。苦心暗焦。堅貞自守。不許君家再動搖。

如今別無他求。惟求速死耳。(副淨)我在湖南。已知有留守在城中。我至此地。即知有兩公不怕死的。我斷不殺忠臣。何必求死。甲申闖賊之變。大清爲先帝發喪。祭葬成禮。固人人所當感謝者。今人事如此。天意可知。閣部毋自苦。今而後我掌錢糧。閣部掌兵馬。無殊在明可耳。(外大怒介)我爲永曆帝供職。豈爲犬羊供職耶。(副淨)我居王位。於閣部亦非輕。(外)祿山朱泚。皆自以爲王。一何王之多也。

〔金娥神〕你本是鷄鳴狗盜。還說甚詐土分茅。(副淨)閣部怎同我頑起來。我封侯拜爵。汗馬功績高。因此聖眷重。你諒也知道。

況且我先聖之裔。勢會所迫。已至今日。閣部何太執耶。(小生冷笑介)你要算先聖後裔麼。我勸你不認的爲妙。(副淨)什麼道理。(小生)你呵。

〔月上海棠〕門第高。毛家父子堪依靠。爲甚的要算先聖的苗裔起來。况尼山風雨。久已蕭條。你想孔聖人的清苦。怎及那毛文龍的富貴呢。便是你考宗支。把譜牒推敲。怎比得依聲勢。將身家榮耀。定計應須早。兩處徘徊。那就差了。

(副淨大怒介)豎儒。怎敢揭吾短處。左右將他綁下。(衆綁小生介)(小生掙脫介)(衆執小生臂小生掙不脫介)(臂斷介)(衆向小生亂敲介)(小生左目受傷介)(外向副淨介)此宮簷司馬張同敞也。與我同來。當與我同死。爾等焉可無禮。(副淨佯驚介)原來就是張先生。(喝衆住手介)(向小生施禮介)適纔冒犯。尚祈恕罪。(小生)何前倨而後恭也。(副淨)二公皆聰明人。還是降了罷。(小生長嘆介)咳。

〔五供養〕半生潦倒。故國河山。滿地鎗刀。天心無定局。人事也徒勞。果然給我一死。就感恩不淺了。孤忠自矢。我鈍司馬也。黃泉含笑。做一個他鄉鬼。也只爲大明朝。把綱常名教。一肩挑。

(副淨皺眉介)(向外介)閣部究竟如何(外)你何苦如此。我是至死不變的。

〔玉抱肚〕堅持貞操。莽男兒忠心自寶。(副淨)依閣部之言。只是要死。豈不可惜(外)生死關不妨參透。戲文場就此收梢。可憐我流離困苦太無聊。不妨的爲着朝廷吃一刀。

(副淨)二公苦心。咱已知道。再不敢相強了。左右取酒飯來。咱同二位爺。要歡叙一番哩。(向外介)(又向小生介)

〔水紅花〕你枯腸聊借酒杯澆。醉醇醪何妨談笑。你歡場休把淚珠拋。薦嘉肴。何須煩惱。可知悲歡無定。消長似春潮。二位呵。及時行樂莫心焦也囉。

(外)犬豕之食。如何污我。(副淨)閣部太使性了。

〔僥僥令〕心思多執拗。意氣太羸豪。況且是酒食追陪無妨礙。可怪你書生忒絮叨。

既然如此。且將酒席撤去。(衆撤席介)(副淨)左右。把二位押將進去。須要小心管待。(衆押外小生下)(副淨)咳。兩個人可敬也。

〔尾聲〕雖則是擎天銅柱。從今倒他萬年自然聲名好。試看這桂林城外將星高。

千古忠臣不肯降。

孤懷苦節世無雙。


歲寒松柏誰人識。

豈是惺惺妝假腔。

林 說 小

奇 傳 山 洞 風





第十五齣 旅陰

〔丑上〕送舊迎新生意好。曉風殘月客心愁。自家店小二便是。天已將夜。不知有甚客來。且出去看看。〔下〕

〔新荷葉〕〔生負行李上〕白草黃沙戰骨埋。好風景而今全改。青袍流盡劫餘灰。天涯又做傷心客。

〔前腔〕〔換頭〕〔老旦上〕車馬關山暮年哀。愁的是老人衰邁。一家骨肉莽分開。白頭尙欠風塵債。

孩兒自從桂林失守之後。我們走了數天。還不知你父下落。好生放心不下。〔生〕母親且免愁煩。我想父親未必殉難的。前面已是店家。暫且歇息罷。〔老旦〕甚好。〔生〕店家有人麼。〔丑上〕來哉。頭貳兩房。已有人住。客人到叁號房裏去罷。〔生老旦作入介〕〔丑打疊行李介〕如要茶水。可來喚我。〔下〕〔老旦〕老身就要睡了。〔下〕〔生〕〔徐行四顧介〕那邊牆上有字跡。幾行待我看。

來(念介)一寸眉峯鎖歎浮生風颺浪打中宵兀坐十八年來塵世夢好事幾番磨挫待築起愁城一個旅店荒寒人不寐寫牢愁門外風聲大思往事淚珠墮家山徧地驚烽火歷關河長途跋涉家亡國破紅粉聽零成舊例省得檀奴念我到底是傷心結果一片秋墳埋艷骨鮑家詩憑仗誰人和蓮漏歇五更過調寄金縷曲庚寅十一月避難過此旅館燈昏異鄉夢短感念夙昔悲不自勝驚歲月之逝波傷美人之遲暮聽蓬斷梗不復問人世事矣爲賦此解想知音者不可得也于紺珠題(驚介)呀原來就是他做的原來他也避難去了好不可憐也咳想我與你呵

〔刷子帶芙蓉〕身世好傷懷青衫貯愁紅粉多灾一對夫妻偏是兩地分開悲哀(長嘆介)有甚道理呢軍國事猶將傾敗姻緣事何分父代(玉芙蓉)天下事正多感慳你斷腸人緣慳福薄枉多才只是你到了這般地步誰來愛惜你呢

〔漁燈映芙蓉〕(即山漁燈犯)誰繫護花鈴誰築藏花寨古道風霜容易愁憊堪

憐你薄命桃花硬派你飄零幾載敢則是命中牢註難更改逃不過月昔年灾思量鯁生不才累你鳳泊鸞飄無棲止我就是斷腸也悔不來真無奈是天公主宰待我和他一首(玉芙蓉)展霜毫墨花濃處筆花開

(寫完念介)百結心頭鎖舞金刀仰天而笑披襟而坐無可如何兒女事總被姻緣磨挫留下這愁人兩個畢竟男兒無大志十年中恨事天來大窗外月又將墮爐中獸炭消殘火夢燕雲銅駝荆棘金甌已破庾信年來詞賦少耐得淒涼故我料不定怎生結果浪跡他鄉成底事莽塵寰尙有知音和哀樂事等閒過讀紺珠壁間詞悲憤欲絕因念我兩人少年訂盟中年迢隔咫尺千里情何以堪况南天烽火觸目驚心兩地纏綿有同情耳依韻富之不自知其言之哀也天涯浪游生王開字謹和(淚介)這不過寫其大畧而已

〔普天賞芙蓉〕淚成河愁成塊填不滿相思海想我兩人呵不能够繡帷中弄粉調朱倒變做茅店裏吐恨含哀生扭做鏡裏的恩和愛單留下兩首詞兒無交代



且住。假若不見此詞。那便知他心事。今日天假之緣。恰好兩首寫在一處。好巧也。寫離情兩樣。愁懷。歌長恨一般大才。（玉芙蓉尾）這苦衷情。不勞你粉牆籠起碧紗來。呀。好癡也。我今日雖見此詞。究不知他的下落。你不見現在的世界麼。

〔朱奴插芙蓉〕舊城郭。早已是冰消瓦解。好世界。都變了尸林血海。似這般苦雨。淒風慘時代。還不定那人何在。我想如今時勢。除非到武陵源中。方可安然無事。跳出乾坤外。方能够刀兵不來。（玉芙蓉）則這避兵符。可曾先為你安排。

說到此處。不覺一陣酸心起來。咳。

〔尾聲〕元龍豪氣全衰憊。鬢絲兒星星已改。這叫做才子佳人一樣哀。

又向旂亭唱竹枝。

王恭不是少年時。

名花落溷誰憐惜。

分付長旂好護持。

第十六齣 囚吟

（副末上）木落天高。兵氣寒江。豚拜月朔。風酸內城。滿地紅心草。野老重來。不忍看。在下姓楊名執。表字碩父。向在瞿閣部幕中。後來伴狂癲。癩落拓江湖。如今桂林已失。閣部誓死不降。并且張公別山。一同守節。却也難得之至。在下與別山在閣部處。曾有一面之緣。今聞他們絕粒幾日。為此特具酒飯。以當野人之獻。却也使得院子。（丑扮院子上）有有。（副末）酒席完備否。（丑）好了。（副末）如此你隨我走來。（繞場同下）（外小生同上）（外）

〔絳都春序〕吾生已矣。對胡兒痛哭。毫無奇計。困守樊籠。感慨悲歌。終無濟。還望你同朝將士。皆忠義。好再把乾坤扶起。滇中臣宰。江東父老。可知吾意。別山我與你被困以來。行將一月。絕粒四日。還是不死。坐困此間。終日無事。何不各賦數詩。以明素志。（小生）有理。（外）我就先做了。（小生）待門生依韻和之。（外）甚好。（拂紙取筆寫介）

浩氣吟

風 洞 山 傳 奇

藉草爲茵枕石眠。更長寂寂夜如年。蘇卿絳節惟思漢。信國丹忱上告天。九死如飴。違恤苦三生。有石只隨緣。殘燈一室羣魔繞。甯識孤臣夢坦然。已拚薄命付危疆。生死關頭豈待商。二祖江山人盡擲。四年精血我偏傷。羞將顏面尋吾主。剩取忠魂落異鄉。不有江陵真鐵漢。腐儒誰爲剖心腸。正襟危坐待天光。兩鬢依然勁似霜。願作須臾堦下鬼。何妨慷慨殿中狂。憑加榜辱神無變。旋與衣冠語益莊。莫笑老夫輕一死。汗青留取姓名香。年年索賦養邊臣。曾見登陴有一人。上爵滿門皆紫綬。荒村無處不青燐。僅存皮骨民堪畏。樂爾妻孥國已貧。試問怡堂今在否。孤存留守自捐身。邊臣死節亦尋常。恨死猶銜負國傷。擁主竟成千古罪。留京翻失一隅疆。罵名此日知難免。厲鬼他年詎敢忘。幸有顛毛留旦夕。魂兮早赴祖宗旁。拘幽土室豈偷生。求死無門慮轉清。勸誠煩君多苦語。棲遲嘆我太無情。高

小

歌。每。羨。騎。箕。句。灑。淚。偏。來。滴。雨。聲。四。大。久。拚。同。泡。影。英。雄。到。底。護。皇。明。  
巖。疆。數。載。盡。臣。心。坐。看。神。州。已。陸。沈。天。命。豈。因。人。事。改。孫。謀。爭。及。祖。功。深。二  
陵。風。雨。時。來。繞。歷。代。衣。冠。何。處。尋。衰。病。餘。生。刀。俎。寄。還。欣。短。髮。尙。蕭。森。  
年。逾。六。十。復。奚。求。多。難。頻。經。渾。不。愁。劫。運。千。年。彈。指。到。綱。常。萬。古。一。身。留。欲  
堅。道。力。憑。魔。力。何。事。俘。囚。學。楚。囚。了。却。人。間。生。死。業。黃。冠。莫。擬。故。鄉。遊。

(小生讀介)老師心事畢露矣。門生未免贅言了。(外)好說(小生寫完外讀介)

說 林

稜稜瘦骨不成眠。祖德君恩四十年。腰膝尙存堪作鬼。死生有數肯呼天。疊山欲附文山烈。蘇武休思漢武緣。蹈鑊撩衣談笑裏。何須血淚更潸然。異國凋零非故疆。首山一死尙留商。舌存不信乾坤去。臂斷甯同兒女腸。蠻語可憐原漢語。帝鄉無路是愁鄉。幽魂應變天邊月。照見孤臣鐵石腸。連陰半月日無光。草簟終宵薄似霜。白刃臨頭惟一笑。青山在上任人狂。但

風 洞 山 傳 奇

留。衰。髮。酬。周。孔。不。羨。餘。生。奉。老。莊。有。骨。可。拋。頭。可。斷。小。樓。夜。夜。汗。青。香。  
 四。載。危。疆。一。個。臣。城。亡。待。死。愧。今。人。將。軍。不。肯。留。犀。甲。風。雨。惟。聞。嘯。碧。燐。列。  
 國。衣。冠。何。事。改。九。邊。財。賦。為。誰。貧。傷。心。列。祖。當。年。志。寸。磔。應。叢。九。死。身。  
 生。當。吾。世。遇。非。常。坐。臥。形。容。盡。可。傷。胡。馬。夜。嘶。過。百。粵。老。臣。痛。哭。守。殘。疆。千。  
 年。正。氣。憑。誰。鑒。一。死。中。原。詎。忍。忘。不。入。耳。言。今。古。淚。幽。懷。欲。訴。孝。陵。旁。  
 凜。然。大。節。自。平。生。囊。底。無。錢。魄。亦。清。二。烈。雙。忠。原。有。教。九。朝。七。世。豈。忘。情。亡。  
 家。骨。肉。皆。冤。鬼。多。難。師。生。共。哭。聲。想。見。刀。頭。空。一。切。長。宵。盼。不。到。天。明。  
 日。日。刀。錐。攢。我。心。豈。真。天。意。有。升。沉。命。延。一。刻。慙。難。負。論。到。千。秋。慮。益。深。此。  
 地。骨。原。堪。朽。腐。他。時。魂。不。待。招。尋。昨。宵。猶。夢。亡。親。在。醒。後。惟。留。夜。雨。森。  
 忘。生。翻。覺。死。難。求。甲。士。相。環。任。我。愁。祭。酒。一。身。同。臘。盡。睢。陽。二。子。共。名。留。已。  
 拚。魂。作。他。鄉。鬼。博。得。人。稱。亡。國。囚。三。百。年。來。恩。怨。血。先。皇。應。許。得。從。遊。

小 說

林

(掩淚介)妙極妙極(副末引丑挑擔上)閣部久違了(揖小生介)別山兄(外小生)原來是顧甫兄(副末)桂林一別不料相見於此小弟聞得二位絕粒已久特具酒食伏乞笑留(外)故人之情却之不恭(丑挑擔繞場下)(副末)適聞二位吟哦怎的(外小生)獨坐無聊做了幾首歪詩名曰浩氣吟就此請教(副末讀介)二公忠心耿耿就是文山正氣歌也不過如此在下怎敢置喙呢

〔前腔〕(換頭)流涕。人。生。到。此。是。萬。古。傳。人。文。山。知。已。(外)過譽了我們沉淪獄底。借作詩以為消遣而已。短歎長歌。也不過自寫牢愁悲身世。(副末)言重了。天地正氣。復在於二公矣。你果然正氣留天地。也不枉沉淪獄底。他日二公盡節之後。待我來收拾殘屍。更造個墳兒埋瘞。

(外小生)如此多謝了(副末)好說(外)呀我倒忘了請問北兵作何舉動(副末)定南已至別郡城中徐高陳希賢重兵未退若得一旅之師可反正也(外大喜介)好容易有此機會也(草



(丑)孩兒來了。正好趨行。(旦)爹爹。你看一帶斜陽。數行楊柳。罩着煙霧。好不可愛。



〔前腔〕看斜陽半林。看斜陽半林。柳枝搖擺。晴煙罩住。輕狂態。(衆扮亂兵上)你每到那裡去。留下財物來。(搶車中貨物介)(旦驚避車下立鬼門前介)(丑拔劍擊衆衆奪劍擲地介)(丑無極介)啊呀。這數萬家私。弄得乾乾淨淨了。嘆吾生命窮。嘆吾生命窮。辛苦半生來。家私盡傾敗。怕窮途淚灑。怕窮途淚灑。時艱運乖。今番狼狽。

(衆)這老頭兒絮叨叨的。如此可惡。不如殺了罷。(殺丑推車下)(旦撫丑尸大哭介)呀。爹爹呵。你好慘也。

〔前腔〕正飄零異鄉。正飄零異鄉。老人衰邁。今朝死得無交代。事已如此。只得將浮土淺葬於此了。(拾劍掘土葬介)(丑掩下)(旦)賸零丁女兒。賸零丁女兒。和淚築墳臺。幽魂竟何在。墳已葬好。待奴拜罷。(拜介)爹爹呵。受孩兒幾拜。受孩兒幾拜。(大哭介)煙霧霧。長眠千載。

(又一隊北兵上)(見旦介)天下有這等標緻女子。獻與主帥。豈不是個大功。(旦驚介)(衆)小娘子有何傷感。且同我每到營裏去。(旦)我清白之身。豈肯從賊。(衆)真個不從麼。(旦)自然不從。(衆拔刀脅旦介)(旦)我不怕死。你來殺我。最好。(衆)他既不怕死。不必殺他。我們動手罷。(硬拉旦下)





第十八齣 完忠

〔四騎兵上〕同為催命鬼。都是忍心人。我每是定南王麾下的騎兵。只為那南朝來的瞿張二公。昨日忽然發了一條檄文。教他的部將來襲桂林。恰好被巡丁拏住。因此王爺大怒。特命我等給他一刀。倒是樁要緊公事。我想瞿張二公。受了王爺如許恩禮。還不知感恩圖報。今日鋼刀已在脖子上。看你顯甚神通。〔下〕

小 說 林

〔錦纏道〕〔外小生全上〕〔外〕恨蒼天。都是你心腸太偏。中興竟難見。到今日。活地一籌莫展。泥犁獄。雖則是羈囚。幸免淒涼。况早則是酸辛。嚐遍別山。我這道檄文。已被敵人取去。看來是不免的了。只可惜十餘年心力。從此一敗塗地。咳。辛苦向誰言。孤城一座。支持十四年。到此休留戀。〔泣介〕不由人自悲。身世把淚珠濺。

〔四騎提刀上〕奉定南王命。請二位出去。〔外〕有何事情。〔兵〕檄文發覺了。王爺着實發惱哩。〔小生大笑介〕今日方是我兩人死期也。〔外〕咱和你可以歸天了。

〔普天樂〕飛上大羅天。走過森羅殿。向血花堆裏完心願。我和你幽冥之中。也不十分寂寞。誰知道致命黃泉。還有個伴侶周旋。翻共你常相見。自今後莫向人間多留戀。泉臺下和你消遣。（內作雷電風雨聲介）（外）啊。雷電呵。你也太多事了。自古英雄都要死。這收場底事驚動雷電。

（兵）二位就去不要誤了時刻。（外）且住待我作首絕命詞來。（磨墨拂紙寫介）

〔古輪臺〕擘吟箋。兩行老淚落尊前。閱盡滄桑變。愁懷誰見。訴與人間。自把牢愁排遣。垂死光陰。有何繫戀。把傷心詞翰寫連篇。忠心一片。末路英豪有誰憐。十年苦境。一場春夢。受了冰霜磨鍊。甫能够一死對皇天。忠魂顯。這斷腸詩句留與後人唁。

（兵）詩已做好。可以去了。（外）且慢待我拜辭皇上。（全小生整衣冠向南拜介）（全）你每去罷。（繞場行介）（外）此間是何地方。（兵）是仙鶴岩。（外向小生介）吾性愛山水。此間風景頗好。就


和你死在此地罷。（小生）甚好。（兵）押下斬介。（雷聲憑空三震介）（衆仙引外小生各神裝上）（外）吾瞿起田。可謂不負所學矣。但是大好江山。多被他人佔住。我瞿起田也沒法恢復了。（登

高遙望介）

〔餘文〕嚴關外。飛暮煙。經過了興亡幾遍。（小生）老師且免悲傷。我想今日老師忠義之聲。流傳萬古。那普天下的人兒呵。纔認得你視死如歸的瞿起田。

（外）新亭誰灑周顛淚。（小生）明月深窺庾亮牀。  
（外）只有遺臣心不死。（小生）九原猶自憶君王。

風 洞 山 傳 奇



第十九齣 刺焦

(丑持刀上)背起刀兒打起包。無明無夜瞎奔跑。明朝割下仇人首。始信咱家手段高。自家姓烏名有混。名叫做冲天鳥。專會行刺打架。向在陳邦傅家爺門下。後來家爺降了定南王。咱家跟他同去。前日定南拏住瞿式耜的檄文。要差焦璉來攻城池。我王爺氣個了不得。就把瞿式耜殺却。他心中還不舒服。說道若能把焦璉一同殺掉。方是斬草除根。恰好家爺與焦璉素來不睦。便對王爺說道。這却容易之至。只要差冲天鳥行刺就是了。王爺大喜。就央咱家去做這勾當。一路上曉行夜宿。已至平樂。你看天色已晚。明月當空。前面旌旗隱隱。敢是營門了。且閃將進去。(下)(內打三更介)

〔漁家傲〕(淨引衆將上)笳鼓轅門風露寒。血濺乾坤殺氣滿。關對着這殘山剩水空長嘆。帶累煞沒揣的君王蒙難。我焦璉鎮守平樂。已有數年。怎奈桂林已破。瞿閣部陷入樊籠。幾次要提兵去救。深恐此地有人襲取。所以不敢擅離職守。咳。我大明天下一壞於賊寇。再

小 說 林



壞於口口。如今有甚布擺呢。(丑介)單則是流寇囂張。惹動了胡兒造反。今日個煞鼓收場也不忍看。

(場設帳幔介)(內打四更介)(淨)諸公且退。咱要睡哩。(衆下)(淨携燈置几上入帳睡介)(丑上)等了半夜。聲息方靜。此時可以去了。(行介)

〔麻婆子〕四更四更天將曉。當頭月已殘。一步一步行將到。沿街露未乾。此間是了。(四顧介)中軍帳內燈光隱隱。敢還不曾睡麼。待我進去看者。(向內望介)原來是睡的了。

(歛神躡足悄步介)且把燈兒吹息來。(息燈介)(淨作嚙語介)(丑驚伏几下介)(淨作鼾聲介)(丑起介)可以下手了。(內打五更介)(丑懷中出七首入帳割淨首級出介)好了。功成業定

是今番。(內擊鼓吹角升炮介)(丑)天將亮了。這怎麼處。(仰首看介)只見疏星耿耿淡河漢。(丙作風起介)(丑)曉霧風吹散。(猛回頭介)(大驚介)呀。初日上東山。

(內)今早行在。有緊急公文。快與元帥商酌。(丑急介)那邊有人來了。快走罷。(急走介)(副淨末扮衆將上)(丑撞見介)(副淨)你如何在元帥帳中。(丑目瞪口呆介)(末)必有緣故。且看

元帥去。(揭帳介)呀。不好了。元帥被人刺死了。(丑渾身發抖介)二位爺饒命啊。(末)胡說。(副淨)且慢。我每把元帥擡至裏面。一面申奏朝廷。一面把這賊子活祭元帥。(末)是極。衆軍士快

來。(衆軍士)(末指丑介)元帥被他刺死了。你每把元帥收拾成殮。再把這賊子枷鎖伺候。(衆擡淨尸押丑下)(副淨末大哭介)咳。誰料元帥。這般慘死也。

(副淨)五丈原頭草木深。  
(末)出師未捷身先死。  
大星夜落各驚心。  
長使英雄淚滿襟。

風 洞 山 傳 奇



第二十齣 入海

〔紫蘇丸〕（小生王服乘舟四內監搖櫓衆軍將扈駕全上）（小生）輕舟萬里愁千丈。舊江山夕陽閒曠。聽江聲疑似話興亡。咳。從頭細算滄桑賬。

朕自桂林出走。便至南寧。如今桂林已失。瞿閣部已死。焦宣又死。茫茫天地。教朕安身何處。（泪介）無可如何。只得向緬甸而去。好在是本朝屬國。料緬王也不致十分冷淡。想起來好不悽慘也。

小 說 林

〔醉羅歌〕一疊一疊愁模樣。一日一日苦思量。帝子飄零最淒涼。捱盡了羈人况。（想介）倘若緬王見我狼狽。藐視我起來。如何是好。（皂羅袍）只怕是依人籬下。倒變得隨人主張。就算是主人情重。怎禁得愁人恨長。空教我孤身海外難安放。（又想介）倘然緬王肯助我一臂。這是妙極了。（排歌）知疼熱。關痛癢。我一番辛苦又何妨。

且住。想我十餘年中心勞力竭。恁的皇天不佑呢。（大哭介）（衆亦大哭介）（小生）這都是諸臣

誤我也。

〔醉歸花月渡〕（醉扶歸）庸臣誤國多花樣。爭權樹黨亂朝綱。奔走私門太匆忙。宦官宮妾都依傍。只消北兵一至。便各鳥獸散。直恁可恨也。（四時花中權）倉皇。冰山已消沒。主張銅山已坍沒。遁藏。今日單剩我一個人兒。有誰做保。（月兒高）一舸斜陽。流落恨。枉惆悵。禁受了。風波險。總結了。刀兵賬。（渡江雲）看今日扁舟風露涼。料舊日行宮花草荒。

你看大海決決。波濤滾滾。還淘不盡人間恨事也。

〔阜羅歌〕（皂羅袍）一片潮聲悲壯。正揚帆渤海。濯足扶桑。風捲波濤半江涼。南朝事業都拋樣。（指南介）孝陵煙月。陪京已亡。（指北介）長陵風雨。燕京又荒。橫揣伯王孫。乞食成何樣。（排歌）波光闊。川路長。領三千子弟向南方。（長歎介）咳。却教我怎樣也。

澤國江山入戰圖。  
中原何處安身地。

樓船南下泣窮途。  
海嶠誰陳赤伏符。



風 洞 山 傳 奇



第二十一齣 埋忠

〔懶畫眉〕（副末扮楊碩父上）楓葉松花幾經秋。古木寒鴉行客愁。滿山風雨叫。鴛鴦。毅魄難尋。究止不過青史芳名千古留。

我楊碩父便是。瞿張二公殉節於仙鶴巖下。我已備下衣衾棺木。殯殮成禮。并在風洞山下造個墳兒。今乃二公窆窆之期。迤邐行來。前面便是風洞山了。（行介）

〔前腔〕（末扮胡一青上）野服黃冠舊通侯。國破家亡滿面羞。慙愧煞故家遺老。弔神州。我胡一青向在滇營中。與王永祚趙印選齊名。不想王趙成隙。我也禁之不住。後來北兵一到。王趙二人就此降賊。在下只得隱姓埋名。做個鄉村學究。將就度日。今日聞得楊碩父為瞿張二公營葬。想起昔日之情。特地來風洞山前一拜。（見副末介）（副末）尊駕何人。（末）在下胡一青。特來拜奠忠魂。（副末）原來就是衛國公。妙極。（末彈淚介）（副末）怎麼傷心起來。（末）你看二公從容就死。那個不敬重他來。我也是厄運丁陽九。恨生死關頭。差一籌。

(雜上)忍看天下事。同作墓中人。啟爺二位靈柩已登吉穴。待爺拜奠之後。就要封墓了。(下)  
(副末)既然如此。待我等拜來。(全末拜介)(副末)二公呵。想不到你葬身此地也。

[前腔]昔日裏慕府追隨運機謀。還記得剪燭西窗相欸留。誰曾料一坏黃土葬君侯。今日裏江山故國添僂懣。你可也環珮魂歸月下遊。

(末)咳可知我胡一青來拜你也。

[前腔]我草澤偷生苦淹留。却教我浪跡萍踪向何處投。真個是一錢不值此生休。怎及你死生結下同心友。向碧落黃泉作伴遊。

(雜上)墓已封好。請爺歸去罷。(副末末各依戀介)(末)請問碩兒。目下作何計較。(副末掩淚介)小弟呵。

[前腔]對着這破碎山河易生愁。倒不如打疊行裝歸去休。省得我異鄉身世感飄流。我世年中耐得淒涼。君不見年少的人兒白了頭。

請問衛國公如何計較。(末)說也慙愧。近年來授徒山中。藉以糊口。冬烘頭腦。煞強如沿門托鉢耳。

[前腔]破帽青衫耐窮愁。畧比那乞食吹簫高一籌。把牢騷哀怨一齊丟。百樣皆將就。做了個學究。生涯沒出頭。

(各大哭介)(雜)二位爺不必悲傷。耐煩些罷。(副末)如此衛國公請。(末)碩父兄請。

(副末)落伽山下營新墓。瓦礫場中弔內家。

(末)禾黍周京多感慨。無聊且種邵平瓜。

風 洞 山 傳 奇



第二十一齣 哭母

（生孝服上）孤城歸去已無家。辛苦誰憐失母鴉。漂泊天涯成底事。莫將遺恨訴哀笳。小生王開宇。同母親避難至此。相依為命。誰想老年人受了車馬辛苦。竟至一病不起。小生只得變賣行李。草草成殮。因此趕還桂林。找尋父親下落。把母親靈柩。權寄厝於風洞山下。華嚴寺背後。今日天氣清朗。且向母親墓上。痛哭一番。有何不可。（挂華嚴寺扁介）（生緩步繞場徐行介）此地就是待我拜來。（大哭拜介）咳。母親呵。

〔水紅花〕你異鄉身世感懷多。沒騰挪。連番顛簸。你長途辛苦亂愁多。沒延俄。今番結果撇下孩兒一個。教我待如何。橫輪着。一腔哀怨在心窩也囉。

（冉哭介）咳。為人一世。那個不死來。

〔金甌線解醒〕（金梧桐）人生苦惱多。百歲昏昏過。恁地周遮。一死難逃。躲思量。沒奈何。（東甌令）淚滂沱。便壽考。康甯也。值甚麼。啊。嗚。母親呵。倒不如你脫離苦海。

也。你看這人間歲月多磨挫。(針線箱)怎及你地下光陰自快活。咳四海漂流一身落拓。仔細想來。不如就在此地出家。反可以伴你墳墓也。(解三醒)向蒲團坐。空空色色。一世銷磨。

有理有理。且進去看長老來。

紙錢飛不到泉臺。

一曲蒿歌誰解哀。

天地茫茫無樂土。

蓮花座下踏雲來。



第二十二齣 辭墓

[攤破金子令]副末巾服上丑扮院子挑担滿貯祭品隨上(副末)山空樹古推起黃昏。月風淒雨苦。又是清明節。冷臥泉臺。萬難甯貼。墓門松楸如許。幾經霜雪。嘆人生到此悲痛絕。在下楊碩父前日將瞿張二公葬好也。了我一樁心事。屢次將歸。未得其便。光陰易過。早已三年多了。如今歸計已決。特往風洞山來。向二公墓前拜別一番。有何不可。(行介)你看山勢峨峨。佳城鬱鬱。光景大不似從前矣。風霜蝕碑碣。泥沙掩墓穴。華表摧折。石馬傾跌。只剩得聲聲杜鵑啼。怨血。

(作到介)院子將祭品舖陳來。(丑舖陳介)(副末拜介)二公呵。從此長別了。

[夜雨打梧桐]關山遠。音問絕。驀地與君別。却教我怎丟撇。忍把你墳兒拋撇。(泪介)自恨飄蓬身世。受盡磨折。不及你長眠土中安頓些。咳我飄蕩半生。家中光景久無消息。不得不作歸計耳。我心中苦况憑誰分說。休怪我思家太切。漫傷嗟。看

盡興亡事。今朝歸去也。只是這般世界。教人如何排遣來。

〔金水令〕乾坤殘缺。東南王氣竭。家亡國破。老盡豪傑。問安身何處也。呀也。願不得許多了。悵望家山。烽火明滅。鄉愁萬種。旅思千疊。咳。而今一去從此別。夜色已深告辭了。〔丑收拾担兒介〕〔副末緩行回頭望介〕咳。

五陵雲氣太荒寒。

滿目蓬蒿帶泪看。

三尺孤墳明月裏。

忠魂夜夜望長安。



第二十四齣 殉烈

〔三疊引〕〔旦愁容上〕一生九死捱延盡。教我如何安頓。一個斷腸人。試問有誰憐憫。

奴家被劫以來。這些狗弟子。就把奴推入中軍帳裏。見他主將。方知就是定南王孔有德。奴家歷訴被難的情由。并說父親慘死的緣故。他一切不管。祇問奴許字何人。奴就說是王開宇。他說巧極。你父親可是于元燁麼。奴說正是。他又道我聞你許與趙家了。却怎的王氏呢。奴說這是父親一偏之見。奴是之死不願的。他也不來多嘴。就把奴押至城外西湖上湘青閣內。緊緊看守。已有一月多了。奴家細問看守的人。原來趙印選久已降賊。全家俱往北京。臨行之時。叮囑定南。尋訪奴來。所以一見奴家。便問底細。聽得兩三日。前定南已差將弁。趕至北京。不日有些糾葛。咳。我于紺珠。一生好不苦也。

〔三仙橋〕註就今生苦運。惡姻緣胡厮混。經番要死老天偏不肯。欲問天天



怎問料天公教我做了薄命人。折罰得我沒來因。逼拶得我沒躲遁。就是我廿餘載的苦淹煎。也捱過十分。還只是不當真。又吹下西風一陣。(引介)便流盡了淚珠兒。誰曉得于紺珠的愁悶。

我想趙家是甚麼主見。苦尋着我來。

[前腔]欺負我沒娘兒無人顧問。把一個軟圈套。將奴勾引。只道我女孩家孤身萬里。到那時容易俯順。這毒計兒直恁忍。攬掇我無端攢進了這風流魔陣。咳。敢則是今世作凡人。早則是前生種禍根。問不出閻羅底蘊。我看世上女子有福的也是不少。偏我這般苦惱。呀。這苦樂不均平。大都裏一般憤恨。都只爲冤和孽。割不斷的牽纏。變做了于紺珠撇不開的愁悶。

記得我少時做了一夢。至今想來。一一暗合。夢中見父親被猛虎銜去。如今果然慘死。其餘目長二人原是拆白謎。應在瞿張二公身上。只有王郎換了僧裝。不知是何道理。還有那老僧葬個女子。更是莫明其意。呀。莫非就是于紺珠的結果麼。咳。果然如此。也憐倖了。

[前腔]雖然是苦結局。傷心斷魂。煞強如沒收煞。飄茵隨溷。伶仃苦况。夢兒中捱受盡。本來是苦裙釧。無福分。咳。天哪。多謝你夢中關情照顧我。流落人。沒法謝天恩。蕭條剩一身。也只是換不來這孤悽命運。猛思量。究屬爲何因。料不定吉凶悔吝。惟望你老判官勾却了小魂靈。也省却了于紺珠沒了結的愁悶。

且喜無人在此。待我將被難情形。略寫一通。(把筆寫完讀介)呀。好一篇小品文字。我于紺珠可以傳矣。(藏入袖中介)(四顧介)咳。今日爲何看守的人。一個也不在此。奴家何不趁此機會。就此自盡。有理。(起立自縊介)(四旦扮看守人上)呀。小姐吊死了。倘王爺知道。這怎處。(急介)不如把這牢尸。棄在荒涼地方。我每各逃走罷。(轉念介)只是省城裏頭。萬難藏躲。不如拋至風洞山華嚴寺背後。方可無事。(抬尸行介)到了。(棄尸於地下介)我們散場麼。(分下)

(生上)小生王開宇。就在此寺出家。伴母墳墓。今日聞得寺後喧鬧。只道亂兵經過。却無一人在

此奇也。(轉身見尸介)呀。怎的一女人死在此地。(近前看介)(尸身袖中露出紙角介)(生取出看介)(打悲介)這是紺珠好苦也。(哭介)(再看介)你被難情形。小生如何知道。咳。都是我耽誤你來嘍。(再看尸大哭介)

「字字錦」摧殘割臂盟打合傷心病浮生過眼空斷送佳人命不留停是我誤了卿卿卿卿死怎不為卿淚零淒清風塵憔悴可憐飄蕩半生思量半生半生愁光景你聽我這斷腸聲你聽我這斷腸哭聲奈呼卿不應問卿在那里卿在那里殘魂剩魄屍屍閃閃潛潛等等咱這里淒淒慘慘孤孤另另一樣斷魂行徑。

且住待我埋瘞起來。小沙彌何在。(衆扮小沙彌上)(生)你每把這女尸盛殮起來就在寺後空地裏埋瘞者。(衆抬旦介)(生再看尸悲介)

「滿園春」生時節艷晶晶死時節冷清清紅顏自古多薄命你每葬好之後再豎

塊碑碣上寫烈女子紺珠之墓墳臺下墳臺下和淚題銘旌也好千年後流播姓和名

(衆抬旦下)(生)咳天哪直恁磨殺人也折磨他一生折磨咱一生拆散因緣拆散因緣風儂雨愁大古裏一樣飄零

(猛念介)我想盛衰之理氣數使然莫說一個人兒跳不出生死的圈套就是國家之事也不免盛衰的羅網。(長歎介)我纔悟出人間悲歡離合也

「前腔」(換頭)戰場空情場散下場頭好夢初醒止不過石火電光留幻影婚姻事興亡事只剩得夕陽古樹淒涼景歸根兒哀樂總無憑問前朝廢興問南朝廢興徧望河山望徧河山煙雲慘淡早則是換了情形

「尾聲」雞虫得失原無定今日裏結局收場也哭幾聲倒愁煞我風洞山中的行脚僧

泪濺桃花冷血凝

斑斑紅雨染吳綾

野鳥巢穩南園樹。

風雪何人上茂陵。

風 洞 山 傳 奇



風洞山傳奇卷終



丙午年四月初版  
同年同月發行

定價洋四角

編輯者

小說林總編譯所

印刷者

上海派克路福海里  
小說林活版部

發行者

上海棋盤街中市  
小說林總發行所

小說林  
版權證

分售者

各省書局